

SALAPIAE. Ptol. lib. 3. cap. 1. Salapia Plinio & aliis, vulgo adhuc *Salpe*. Proficius Salpinæ Ecclesiæ Episcopus legitur in Decreto Gelasii Papæ apud Card. Deusdedit in Collect. Canon. lib. 3. cap. 93. & Palladius Salpitanæ Ecclesiæ Episcopus tempore Gelasii legitur in vita S. Sabini Episcopi Canusini 9. Febr. apud Bollandum &c. Laurentius tempore Gelasii Papæ in vita S. Sabini. LUCAS HOLSTENIUS.

SIPONTUM Plinio lib. 3. cap. 11. adhuc *Siponto* dicitur. *Felix* hujus Episcopus subscripsit Concilio Romano sub Hilario, & ad alium *Felicem* Sipontinum D. Gregorius Magnus plures Epistolas misit, ut videre est in ipsius operibus.

ARPI Ptol. lib. 3. cap. 1. nunc *Sarpi* dicitur. *Pardus* Episcopus Arpi subscripsit Concilio Arelatenfi primo.

MELFIA, five Melphia, vulgò *Melfi*, Civitas Episcopalis lib. Concil. *Leucadius* Melphitenfis Episcopus subscripsit Synodo sextæ Romanæ sub Symmacho.

* VENUSIA Ptol. lib. 3. c. 1. hodie *Venosa*. *Stephanus* hujus Episcopus subscripsit Concilio Romano tertio sub Symmacho.

ACHERONTIA, Acherontius Liv. lib. 8. vulgò *Acerenza*. *Iustus* Acherontinus Episcopus subscripsit primæ Synodo Romanæ sub Symmacho.

VIGILIÆ, urbs Episcopalis vulgò *Bisegli* dicta; legitur in Martyrologio Romano, ubi *Maurus* Episcopus martyrium subiisse sub Trajano dicitur.

† CANNÆ Livio decad. 3. l. 2. urbs clade Romanorum celebris, nunc diruta: cujus Episcopus *Antipater* subscripsit Concilio Romano quinto sub Symmacho.

C A L A B R I A.

BRUNDUSIUM Ptol. lib. 3. cap. 1. vulgò *Brindisi*. *Leontii* Episcopi Brundusini meminit D. Gregorius Magnus lib. 9. Indict. 4. Epist. 73.

ALETIUM Ptolem. ibid. vulgò *Lecci*. *Iustus* & *Orontius* primi hujus Episcopi, & sancti Pauli Apostoli Discipuli leguntur, ut ferunt, in monumentis Ecclesiæ Aletinæ.

HYDRUNTUM, Hydrus Straboni lib. 6. vulgò *Otranto*. *Andreas* hujus Episcopus subscripsit Concilio Lateranensi sub Martino: scripsitque Gregorius Magnus Epistolam 21. lib. 5. Indict. 14. ad *Petrum* Episcopum Hydruntinum.

§ CALLIPOLIS Melæ lib. 2. cap. 4. nunc *Gallipoli*. D. Gregorius Magnus scripsit Epistolam 84. lib. 2. Indict. 11. ad *Joannem* Episcopum Callipolitum.

NERITUM. LUCAS HOLSTENIUS.

UXENTUM. LUCAS HOLSTENIUS.

TARENTUM Ptol. lib. 3. cap. 1. hodie *Taranto*. *Joannes* hujus Episcopus subscripsit Concilio Lateranensi sub Martino: scripsitque D. Gregorius Magnus Epist. 44. l. 2. Indict. 11. ad *Andream* Episcopum Tarentinum.

URIA Straboni lib. 6. vulgò *Oira*. *Barsanus* hujus primus Episcopus legitur in monumentis hujus urbis, fuitque Sancti Cataldi Synchronus.

§§ LYPPIA, Lupia Melæ lib. 2. cap. 4. Hanc autem Episcopalem fuisse legitur apud Gregorium Magnum Epistola 21. lib. 5. Indict. 14. cujus pontifice destitutæ visitationis munus injungit Brundusino & Callipolitano Episcopis.

ALEXANUM & LEUCE. LUCAS HOLSTENIUS.

B R U.

N O T Æ.

* *Venusia &c.*] Asterius sub Gelasio Papa in vita S. Sabini. LUCAS HOLSTENIUS.

† *Canna &c. Urbs &c. nunc diruta.*] Sed Ecclesia superest in ruinis paulo infra Canusium ad Ausidum amnem. LUCAS HOLSTENIUS.

§ *Callipolis &c. nunc Callipoli*] Dominicus ejus Episcopus legitur in Vigiliis Papæ sententia contra

Theodorum Cæsariensem. Sabinum Episcopum Callipolis ordinavit S. Gregorius ex S. R. E. Subdiacono. Vide Joannem Diaconum lib. 3. cap. 7. LUCAS HOLSTENIUS.

§§ *Lypia &c. cujus &c. visitationis munus injungit*] Petro Hydruntino Episcopo. LUCAS HOLSTENIUS.